



**SIDANG MEDIA KHAS  
YAB KETUA MENTERI SARAWAK**

**BANTUAN KHAS SARAWAKKU SAYANG (BKSS) 5.0  
"MERINGANKAN BEBAN RAKYAT"**

**21 JANUARI 2021 (KHAMIS)**

*Bismillahirrahmannirrahim,*

*Assalamualaikum Warahmatullahi Wabarakatuh dan Salam Sejahtera.*

*Salam Sarawakku Sayang.*

Memandang kepada penularan COVID-19 yang sedang melanda negara, dan Sarawak tidak terkecuali daripada kesan buruk yang menimpa rakyat, dan tambahan pula baru-baru ini kita telah menghadapi banjir di beberapa tempat yang telah menjejaskan sedikit sebanyak keadaan di tempat-tempat yang terlibat, Kerajaan Negeri Sarawak telah memutuskan untuk membantu rakyat pada keseluruhannya menerusi beberapa pendekatan penting bagi meringankan beban rakyat dalam meneruskan kehidupan seharian.

Seperti dahulu beberapa bantuan dipanjangkan lagi bagi tempoh enam (6) bulan mulai Januari 2021 hingga Jun 2021.

Langkah-langkah tersebut adalah seperti berikut:

### **LANGKAH 1: DISKAUN BIL ELEKTRIK**

Pengguna Domestik, Komersil dan Industri akan diberi diskaun 5% hingga 25% ke atas bil elektrik bulanan mulai Januari hingga Jun 2021. Diskaun ini akan memberi manfaat kepada 642,000 isirumah di seluruh Sarawak. Kos keseluruhan diskaun bil elektrik ini berjumlah RM166.2 juta akan dibiayai oleh Kerajaan GPS Sarawak.

## JADUAL 1: DISKAUN BIL ELEKTRIK

Kategori Pengguna	Diskaun	Jumlah Subsidi (RM Million)
Domestik <sup>1</sup>	25%	<b>97.1</b>
Komersil C1 <sup>2</sup> , C2 <sup>3</sup> & C3 <sup>4</sup>	15%	<b>53.7</b>
Industri I1 <sup>5</sup> & I2 <sup>6</sup>	10%	<b>6.1</b>
Industri I3 <sup>7</sup>	5%	<b>9.3</b>
<b>JUMLAH SUBSIDI</b>		<b>166.2</b>

## LANGKAH 2: DISKAUN BIL AIR

Pengguna Domestik, Komersil dan Industri akan diberi diskaun 10% hingga 25% ke atas bil air bulanan mulai Januari hingga Jun 2021. Diskaun ini akan memberi manfaat kepada lebih daripada 568,000 isirumah di seluruh Sarawak. Kos keseluruhan diskaun bil air ini berjumlah RM31.5 juta akan dibiayai oleh Kerajaan GPS Sarawak.

<sup>1</sup> Private dwelling purposes with no commercial or industrial activities in such premises

<sup>2</sup> Customer on normal commercial business with applied load less than 1.5MVA. Example business at normal shophouses.

<sup>3</sup> Customer on commercial business with applied load more than 1.5MVA. Without peak and off peak, billed with Maximum Demand / Contract Demand charges.

<sup>4</sup> Customer on commercial business (operating 24 hrs a day) with applied load more than 1.5MVA. With peak and off peak, billed with Maximum Demand / Contract Demand charges.

<sup>5</sup> Normal Industrial customer with applied load less than 1.5MVA

<sup>6</sup> Customer on industrial business with applied load more than 1.5MVA. Without peak and off peak, billed with Maximum Demand/ Contract Demand charges.

<sup>7</sup> Customer on industrial business (operating 24 hrs) with applied load more than 1.5MVA - with peak and off peak, billed with Maximum Demand / Contract Demand charges.

## JADUAL 2: DISKAUN BIL AIR

<b><i>Kategori Pengguna</i></b>	<b><i>Diskaun</i></b>	<b><i>Jumlah Subsidi (RM Juta)</i></b>
Domestik (Isirumah penerima subsidi RM5 sedia ada)	25%	<b>14.3</b>
Domestik/Komersil	15%	<b>6.9</b>
Komersil	15%	<b>8.8</b>
Industri	10%	<b>1.5</b>
<b>JUMLAH SUBSIDI (RM Juta)</b>		<b>31.5</b>

### **LANGKAH 3: DISKAUN 50% SEWA PASAR DAN GERAI**

Diskaun 50% sewa pasar dan gerai untuk 6 bulan mulai Januari hingga Jun 2021. Bantuan ini akan memberi manfaat kepada lebih daripada 10,000 penjaja yang berdaftar yang menyewa pasar dan gerai di bawah Pihak Berkuasa Tempatan (PBT). Keseluruhan diskaun berjumlah RM1.6 juta akan dibiayai oleh Kerajaan GPS Sarawak.

### **LANGKAH 4: PENGECCUALIAN BAYARAN PERMIT DAN LESEN PERNIAGAAN**

Kerajaan GPS Sarawak akan mengecualikan bayaran permit dan lesen perniagaan kepada peniaga, penjaja, peniaga pasar malam dan pasar tamu. Pengecualian bayaran ini akan mengurangkan beban para peniaga, penjaja, peniaga pasar

malam dan pasar tamu yang berdaftar dengan Pihak Berkuasa Tempatan di seluruh Sarawak. Langkah ini akan melibatkan kos RM8.3 juta kepada Kerajaan GPS Sarawak.

**LANGKAH 5: PENGECUALIAN BAYARAN SEWA KEPADA PENGUSAHA KECIL DAN SEDERHANA (PKS) YANG BEROPERASI DI PREMIS-PREMIS PERNIAGAAN MILIK BADAN-BADAN BERKANUN DAN SYARIKAT-SYARIKAT GLC NEGERI**

Kerajaan GPS Sarawak akan meneruskan pengecualian bayaran sewa kepada pengusaha Kecil dan Sederhana (PKS) yang beroperasi di premis-premis perniagaan milik Badan-Badan Berkanun dan syarikat-syarikat GLC Negeri seperti Perbadanan Pembangunan Ekonomi Sarawak (SEDC), Lembaga Pembangunan dan Lindungan Tanah Sarawak (LCDA) dan Lembaga Kemajuan Bintulu (BDA) bagi tempoh 6 bulan mulai Januari hingga Jun 2021.

**LANGKAH 6: DISKAUN 25% TAKSIRAN KADAR CUKAI PINTU**

Diskaun 25% akan diberi kepada taksiran Kadar Cukai Pintu tahunan melebihi RM400 untuk premis kediaman, komersil, industri dan premis pegangan khas mulai Januari hingga Jun 2021. Langkah ini akan memberi manfaat kepada 185,000 premis di Pihak Berkuasa Tempatan (PBT) dan sekaligus meringankan beban rakyat dan peniaga di Sarawak. Keseluruhan kos diskaun ini yang dianggarkan berjumlah RM74.6 juta akan dibiayai oleh Kerajaan GPS Sarawak.

## **LANGKAH 7: DISKAUN 50% SEWA SKIM PERUMAHAN PERBADANAN PEMBANGUNAN PERUMAHAN SARAWAK (HDC)**

Diskaun 50% sewa Skim Perumahan HDC akan dilaksanakan mulai Januari hingga Jun 2021. Langkah ini akan memberi manfaat kepada lebih daripada 3,200 penyewa Skim Perumahan HDC di seluruh Sarawak. Kos keseluruhan diskaun ini dianggarkan melebihi RM3.0 juta.

## **LANGKAH 8: DISKAUN 30% CUKAI TANAH**

Diskaun 30% untuk pembayaran cukai tanah bagi tahun 2021 akan memberi manfaat kepada lebih 52,400 tempat kediaman, pusat komersil dan industri, perladangan skala besar dan lain-lain kemudahan awam. Langkah ini akan mengurangkan beban rakyat dan akan melibatkan kos berjumlah RM11.8 juta yang ditanggung oleh Kerajaan GPS Sarawak.

**JADUAL 3 : DISKAUN 30% CUKAI TANAH MENGIKUT KATEGORI KEGUNAAN TANAH**

<b>Kegunaan Tanah</b>	<b>Cukai Tanah (RM Juta)</b>
Pertanian (Skala Besar)	1.3
Komersil	2.5
Industri	4.0
Lain-Lain	4.0
<b>JUMLAH</b>	<b>11.8</b>

## **LANGKAH 9: PENGECUALIAN PEMBAYARAN LESEN HOTEL DAN RUMAH TUMPANGAN**

Pengecualian pembayaran lesen hotel secara *one-off* atau sekali kepada 17,300 bilik hotel di seluruh Sarawak tahun 2021. Langkah ini akan memberi manfaat kepada lebih daripada 340 pengusaha hotel dan rumah tumpangan. Ia akan melibatkan kos kepada Kerajaan GPS Sarawak sebanyak RM400,000.

## **LANGKAH 10: PENANGGUHAN PEMBAYARAN PREMIUM TANAH**

Penangguhan pembayaran premium tanah secara *one-off* atau sekali sahaja bagi tahun 2021 akan memberi manfaat kepada lebih 1,720 pemilik tanah di seluruh Sarawak yang merangkumi tanah pertanian, kediaman, komersil dan industri serta institusi awam dan swasta.

**JADUAL 4: PENANGGUHAN PEMBAYARAN PREMIUM TANAH MENGIKUT KATEGORI KEGUNAAN TANAH**

<b>Kegunaan Tanah</b>	<b>Premium Tanah (RM Juta)</b>
Pertanian (Skala Besar)	12.5
Pertanian (<100 ekar)	1.5
Kediaman	13.4
Komersil	13.5

Industri	42.5
Lain-Lain	21.6
<b>JUMLAH</b>	<b>105.0</b>

### **LANGKAH 11: PENANGGUHAN PEMBAYARAN SKIM PINJAMAN INDUSTRI KECIL DAN SEDERHANA (SPIKS)**

Sebagai langkah membantu aliran tunai dan mengurangkan beban kewangan para Pengusaha Kecil dan Sederhana (PKS), Kerajaan GPS Sarawak akan menanggungkan pembayaran Skim Pinjaman Industri Kecil dan Sederhana (SPIKS) selama 6 bulan mulai Januari hingga Jun 2021. Langkah ini akan memberi manfaat kepada 174 peminjam dengan nilai berjumlah RM0.9 juta.

Disebabkan oleh keadaan perniagaan yang tidak menentu yang dihadapi oleh industri kecil dan sederhana, Kerajaan Negeri Sarawak juga memutuskan untuk membantu golongan ini dari sudut bantuan kewangan dan pinjaman yang kita harap dapat membantu mereka meneruskan perniagaan masing-masing.

Kerajaan sedang membuat kajian untuk menentukan kaedah bantuan kewangan dan pinjaman kepada IKS. Kementerian Perniagaan Antarabangsa di bawah Timbalan Ketua Menteri, Datuk Amar Awang Tengah Ali Hassan akan mengeluarkan butiran mengenai bantuan tersebut dalam masa terdekat.



## **KESIMPULAN**

Dalam keadaan yang sukar sekarang ini, Kerajaan GPS Sarawak sentiasa memikir dan melaksanakan langkah-langkah terbaik untuk membantu rakyat.

Kerajaan Negeri berharap Pakej Bantuan Khas Sarawakku Sayang 5.0 yang berjumlah RM405 ini akan membantu meringankan beban seluruh rakyat Sarawak hingga ke bulan Jun dan kita juga berharap dan berdoa agar dengan adanya vaksin, penularan COVID-19 dapat diatasi selepas Jun 2021.

Sekian. Terima kasih.